

Tsab xov xwm no yog txog:

- Cov hnuv tseem ceeb txog kev kuaj nyob hauv thaj chaw tsev kawm ntawv: Pib hnuv Zwj Hnuv (Sunday), Ib Hlis tim 24, tsev kawm ntawv yuav pauv mus rau qhov cia li mus rau ntawm qhov chaw kuaj lawm xwb.
- Ib qho hais kom nco: Txawm cov Badger Wellness Ambassadors yuav pib ua haujlwm thoob plaws hauv thaj chaw kawm ntawv rau hnuv Ib Hlis tim 25, **qhov yuav xyuas koj daim Badger Badge nkag mus rau hauv cov tsev yuav tsis pib txog hnuv lub Ob Hlis xiab 1.**

Teb rau cov lus peb tau los ntawm ib tsoom hauv tsev kawm ntawv thiab peb cov neeg ua haujlwm kuaj COVID-19 ntawm cov chaw, peb tau txiav txim pauv 14 qhov chaw kuaj nyob hauv thaj chaw kawm ntawv rau cia li mus rau kuaj lawm xwb. Nov thwm tau tias koj yuav tsis tau teem ib lub caij ua ntej mam mus kuaj. Tam sim no, cov chaw so kua ntswg kuaj tsuas qhib rau cov mejyig hauv cov tsev nyob kawm ntawv thiab cov muaj mob yuav tsum muab kev pab xwb.

**Qhov pauv no yuav pib rau hnuv Zwj Hnuv, Ib Hlis tim 24.** Qhov *Safer Badgers app* yuav tsis siv teem ib lub caij lawm, tam sim no koj yuav siv nrhiav qhov chaw kuaj uas koj tau tos me me los tsis tau tos li. Qhov no yuav yooj yim rau xaiv lub caij thiab qhov chaw zoo tshaj rau koj.

**Cov ruam nram no yog cov koj yuav tau ua pab raws qhov pauv no.**

- Mus kho (*update*) koj qhov *Safer Badgers app* thaum twg los tau tom qab hnuv Zwj Cag (*Saturday*) thaum 8 teev tsaus ntuj kom muaj cov pauv no nyob hauv.
- Saib ib tsa xov qhov *app* yuav qhia rau hnuv Zwj Hnuv thaum 8 sawv ntxov kom koj nco kho qhov *app* no ntxiv. Tag nrho cov neeg siv qhov *app* uas nyem qhov pub qhia yog tau nyob ze ib tus muaj tus kab mob yuav tau txais tsab xov.
- Yog koj tsis tau txo qhov *Safer Badgers app*, nkag mus saib hauv <https://saferbadgers.wisc.edu/> rau cov kev qhia.
- **Yog koj twb teem ib lub caij rau hnuv los tom qab hnuv Zwj Hnuv, Ib Hlis tim 24, yuav tsis pom koj lub caij teem nyob hauv koj qhov *app* lawm.** Koj mus tau rau qhov chaw koj nyiam rau lub caij ntawd los cia li mus kuaj rau lwm lub caij los lwm qhov chaw tau, nyob ntawm koj nyiam.

Tom qab koj kho (*update*) qhov *app*, koj yuav pom qhov qhia yuav tau tos ntev npaum cas nyob rau txhua qhov chaw kuaj.

- **Qhov kob ntsuab (caij tos luv )** thwm tias koj yuav tau tos 15 feeb los luv tshaj.
- **Qhov kob daj (tos me ntsis)** thwm tau tias yuav tau tos ib nyuag ntev thiab koj lub caij tos yuav yog li 15-rau-30 feeb.
- **Qhov kob liab (tos ntev)** thwm tau tias koj yuav tsum tau tso li 30 feeb los ntev tshaj ntawm qhov chaw kuaj ntawd.
- Qhov kob txho qhia tias qhov chaw kuaj ntawd tsis qhib. Qhov kob no yuav tshwm tau qhov chaw kuaj ntawd kawm rau hnuv ntawd.

- Cov neeg ua haujlwm ntawm qhov chaw kuaj ntawd yuav hloov qhov kob ntawd tas li

Qhov pauv mus rau qhov cia li mus ib qho chaw kuaj ua tau yooj yim rau cov mejiyig thiab neeg ua haujlwm mus tau raws li lawv lub caij khoom, rau qhov chaw thiab caij lawv nyiam.

Peb paub tias qhov kev kuaj tshiab no tau siv sij hawm kom swm thiab peb ua koj tsaug rau koj ua siab ntev rau qhov peb pauv qhov no. Peb yuav kho hloov tas li ntxiv kom raws li tej kev pom koj muab. Thov ua siab ntev rau cov neeg ua haujlwm ntawm cov chaw kuaj uas sib zog ua haujlwm rau lub caij no.

Yuav tsum koom nrog qhov kuaj nyob hauv tsev kawm ntawv thiaj siv tau koj qhov *Badger Badge* ntag tau rau hauv cov tsev. Tabsis:

- Txawm cov *Badger Wellness Ambassadors* yuav pib ua haujlwm thoob plaws hauv thaj chaw kawm ntawv rau hnuv lb Hlis tim 25, **qhov yuav xyuas koj daim *Badger Badge* nkag mus rau hauv cov tsev yuav tsis tau pib txog hnuv lub Ob Hlis xiab 1.**
- Koj yuav muaj ib asthiv muab koj qhov *Badger Badge* rau cov *Badger Wellness Ambassadors* tswj kev nkag mus rau hauv cov tsev saib kom swm.

**Nov yog ib co lus teb rau cov lus tej zaum koj muaj:**

**Vim li cas tsev kawm ntawv ho pauv qhov no?**

Peb tau hnob cov lus ib toom tau muab thiab peb xyuas kev los dhaws cov kev nej txhawj txog. Ib co chaw kuaj tau tos thiab kab ntev heev tam peb pib qhov siv qob ncaug kuaj tshiab hauv tsev kawm ntawv no. Tso cov neeg rau plaub lub caij pib no ua rau tau tos ntev, nrog rau qhov cov neeg ho muab tau qob ncaug sai npaum li cas kuaj. Tam li peb muaj neeg coob ua haujlwm kuaj, thiab thaum cov neeg paub ua kom muaj qob ncaug muab, peb xav tias yuav txo tau cov kab nyob tos, thiab qhov no yuav ua tau rau qhov kev ua raws kuaj kom mus ceev rau txhua tus.

Koj siv tau qhov *Safer Badgers app* xyuas saib caij tos ntawm cov chaw kuaj ntev npaum li cas. Yog koj mus txog rau ib qho chaw kuaj thiab pom tias muaj ib kab tos, koj mus tau rau lwm qhov chaw kuaj uas tsis tos ntev los ib tsam mam rov qab tuaj.

Qhov pauv no kuj yuav ua tau yooj yim rau koj rov muab dua qob ncaug kuaj rau tib hnuv yog koj qhov qob ncaug siv kuaj qhia tsis tau tias muaj los tsis muaj kab mob los koj muab tsis tau qob ncaug txaus. Rau cov tswv yim qhia pab kom muab tau qob ncaug zoo txaus kuaj, mus saib hauv: <https://news.wisc.edu/tips-for-avoiding-a-rejected-covid-19-saliva-test/>

Thaum cov neeg swm rau qhov kev kuaj tshiab no lawm, peb xav tias qhov kev kuaj yuav siv tsis tshaj 3 rau 5 feeb. Qhov no yog los raws li lub tsev kawm ntawv *University of Illinois Urban-Champaign* tau pom, uas tsim qhov kev siv kuaj UW–Madison txais los kuaj rau lub caij kawm ntuj tshiab no. Kev kuaj nyob hauv lub *University of Illinois* kuj yog cia li mus rau xwb.

**Yuav ua li cas yog kuv mus txog ib qho chaw kuaj thiab muaj neeg coob heev?**

Koj mus tau rau lwm qhov chaw kuaj uas lub caij tos luv dua los ib tsam mam rov qab tuaj rau qhov chaw koj nyiam. Los koj nyob thiab tos. Nyob ntawm koj txiav txim.

Cov caij tos ntawm qhov chaw kuaj yuav kho tas li uas yuav tshwm hauv qhov *Safer Badgers app*. Qhov kob ntsuab (tos luv) thwm tias koj lub caij tos ntawm qhov chaw kuaj yuav siv li 15 feeb los luv tshaj, qhov kob daj (tos me ntsis) thwm tias caij tos yuav siv li 15-rau-30 feeb, thiab qhov kos liab (tos ntev) thwm tias tej zaum koj yuav tau tos 30 feeb los ntev tshaj thiaj tau kuaj. Qhov kob txho qhia tias qhov chaw ntawd tsis qhib.

Qhov kab tos ntev ntawm ib qho chaw kuaj yuav txawv rau tag nrho cov chaw kuaj. Ib txog kab luv ntawm ib qhov chaw kuaj muaj neeg tsawg ua haujlwm tej zaum yuav mus qeeb dua ib qho muaj neeg coob ua haujlwm. Thov siv koj qhov *Safer Badgers app* xyuas qhov caij zoo tshaj rau koj.

**Kuv yuav ua li cas kom kuv thiaj kuaj tau rau lub caij kuv khoom?**

Peb paub tias tej zaum ib cov mejiyig thiab neeg ua haujlwm xav kom lawv kuaj tau raws lub caij lawv khoom thiab qhov no yeej tseem mus tau txawm tsis siv kev teem caij. Koj siv tau qhov *Safer Badgers app* xyuas lub caij tos thiab mus rau qhov chaw kuaj zoo tshaj rau lub caij koj khoom.

Nws muaj 12 qhov chaw siv qob ncaug kuaj. Rau nrhiav txhua qhov chaw kuaj thiab xyuas caij qhib, nres tsheb thiab nkag mus rau li cas, mus saib hauv <https://covidresponse.wisc.edu/testing/#locations>. Cov xuabmoos qhib kuaj kuj muaj tshwm hauv qhov *Safer Badgers app*.

**Qhov pauv no ho tshuam qhov so kua ntswg kuaj li cas?**

Tam sim no, cov chaw so kua ntswg kuaj tsuas qhib rau cov mejiyig hauv cov tsev nyob kawm ntawv thiab cov muaj mob yuav tsum muaj kev pab rau nkaus xwb. Cov chaw kuaj no los yuav muaj cia li mus rau lawm xwb pib lub lb Hlis tim 25. Cov neeg no kuj mus tau rau cov chaw kuaj thoob hauv tsev kawm ntawv lub caij lawv qhib, or mus rau ib qho chaw siv qob ncaug kuaj.

**Vim li cas nej ho tsis muaj ib cov chaw rau qhov tseem teem tau caij ua ntej mus rau?**

Rau kom muaj zoo tib yam rau txhua tus hauv tsev kawm ntawv, peb tau txiav txim tias txhua qhov cia li mus tau rau kuaj xwb. Koj xyuas tau lub caij zoo rau koj thiab mus tau rau cov chaw yooj yim rau koj.

Rau kev qhia ntiv txog chaw kuaj nyob hauv tsev kawm ntawv, *Safer Badgers* thiab caij kawm ntuj tshiab, mus saib hauv: <https://covidresponse.wisc.edu/>.

Muaj cov lus nug tas li (FAQ) thiab ntiv cov lus nug tas li rau nrhiav tau nyob hauv: <https://covidresponse.wisc.edu/faq/>

Rau kev pab txog qhov *Safer Badgers app*, xws li yuav kho hloov kom muaj cov kev pauv no li cas nyob hauv, xa ntawv rau *DoIT Help Desk*, [help@doit.wisc.edu](mailto:help@doit.wisc.edu) los hu [608-264-4357](tel:608-264-4357).

Koj kuj xav tau ntawv rau [covidresponse@vc.wisc.edu](mailto:covidresponse@vc.wisc.edu) los hu *COVID Assistance Line* rau 608-262-7777 yog muaj lus nug. Tus xovtooj no muaj neeg teb *Monday* txog *Friday* thaum 7 teev sawv ntxov txog 8 teev tsaus ntuj, *Saturday* thaum 7 sawv ntxov txog 5 teev tsaus ntuj, thiab *Sunday* thaum 8 teev sawv ntxov txog 5 teev tsaus ntuj.